

# BHEP UPM serah zakat kepada pelajar menerusi program ZLK 5.0

**PRIHATIN.** Seramai 19 orang pelajar dari Universiti Putra Malaysia (UPM) dengan kerjasama Bahagian Hal Ehwal Pelajar Universiti Putra Malaysia (BHEP UPM) bersama UPM International Students Association (UPMISA), Majlis Perwakilan Pelajar (MPP) serta Bahagian Kaunseling (BK) telah mengadakan program Ziarah Luar Kampus 5.0 (ZLK 5.0) di Serdang, baru-baru ini.

Yang Dipertua MPP UPM, Muhammad Izzuddin Rosli berkata, program tersebut membuktikan UPM sangat prihatin terhadap kebajikan para pelajar di dalam maupun di luar kampus.

"Program ZLK 5.0 merupakan rentetan program tahunan BHEPUPM yang bertujuan mengumpul data-data pelajar luar kampus bagi memastikan semua aspek kebajikan dan keselamatan mereka terjaga termasuk pelajar antarabangsa.

"Selain itu, penyertaan daripada pelajar lain juga turut digalakkan bagi memantapkan kemahiran insaniah terhadap diri



**MOHD. ROSLAN** (kanan) menyerahkan sumbangan zakat kepada salah seorang pelajar antarabangsa dari Yemen ketika berlangsungnya Program ZLK 5.0 di Serdang, Selangor baru-baru ini.

masing-masing," katanya.

Hadir sama, Timbalan Naib Canselor Hal Ehwal Pelajar dan Alumni UPM (TNC HEPA), Prof. Dr. Mohd. Roslan Sulaiman yang juga

merupakan ketua rombongan itu.

Antara pelajar antarabangsa yang tinggal di luar kampus terdiri daripada tiga buah negara iaitu Nigeria, Iraq dan Yemen.